

MEIRA

Anuncio

De conformidade co artigo 17.3º do R.D. 2/2004, por non se presentar reclamación algunha durante o período de exposición ao público, elevase a definitivo o acordo provisional adoptado polo Pleno do Concello en sesión celebrada o día 6 de abril de 2005, relativo á nova ORDENANZA FISCAL REGULADORA DA TAXA POR ENTRADA DE VEHÍCULOS A TRAVÉS DAS BEIRARRÚAS E RESERVAS DE VÍA PÚBLICA PARA APARCAMENTO, CARGA E DESCARGA DE MERCADORÍAS DE CALQUERA CLASE DO CONCELO DE MEIRA. Procédese a publicación do texto completo de dita ordeanza, que entrará en vigor ao día seguinte da súa publicación no BOP.

ORDENANZA FISCAL REGULADORA DA TAXA POR ENTRADA DE VEHÍCULOS A TRAVÉS DAS BEIRARRÚAS E RESERVAS DE VÍA PÚBLICA PARA APARCAMENTO, CARGA E DESCARGA DE MERCADORÍAS DE CALQUERA CLASE DO CONCELO DE MEIRA

Artigo 1º.- Fundamento.

En uso das facultades conferidas polos artigos 133.2 e 144 da Constitución, o artigo 106 da Lei 7/1985, de 2 de abril, reguladora das Bases de Réxime Local, e o artigo 331 da Lei 5/1997, de 22 de xullo, da Administración Local de Galicia, de conformidade cos artigos 17 a 20 e 58 do R.D. 2/2004, que aproba o Texto Refundido da Lei Reguladora das Facendas Locais, este Concello establece a taxa por utilizacións privativas ou aproveitamentos especiais por entrada de vehículos a través das beirarrúas e a reserva da vía pública para aparcamentos exclusivos, carga e descarga de mercadorías de calquera clase, que se rexerá pola presente ordenanza.

Artigo 2º.- Feito imponible.

Constitúe o feito imponible da taxa é o beneficio obtido das reservas e aproveitamentos no dominio público local, por entrada de vehículos a través das beirarrúas e a reserva da vía pública para aparcamentos exclusivos, carga e descarga de mercadorías de calquera clase.

Artigo 3º.- Suxeito pasivo.

1.- Son suxeitos pasivos contribuíntes as persoas físicas e xurídicas e as entidades a que se refire o artigo 35 da Lei Xeral Tributaria, que soliciten persoalmente ou a través de representación as reservas ou aproveitamentos indicados.

2.- Son suxeitos pasivos substitutos do contribuínte as persoas físicas e xurídicas e as entidades a que se refire o artigo 35 da Lei Xeral Tributaria que figuren no expediente como propietarios do ben inmueble dende o que se pretenda facer uso de eses aproveitamentos.

Art. 4º.- Responsables.

1.- Responderán solidariamente das obrigas tributarias do suxeito pasivo as persoas físicas e xurídicas ás que se refire o artigo 42 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liqui-

dadores de quiebras, concursos, sociedades e entidades en xeral, no suposto e co alcance que sinala o artigo 43 da Lei Xeral Tributaria.

Artigo 5º.- Cota tributaria.

1. As contías desta taxa son as seguintes:

a) Por concesión do vado: 12,64 euros.
b) Por rebaixa da rasante realizado polos operarios municipais e pintar borde en amarelo (aparte do apartado a): 46,25 euros metro lineal.

c) Pintado de amarelo do borde realizado polos operarios municipais, sen rebaixa de rasante: 6,3 euros metro lineal.

d) Por placa homologada de vado permanente: 11,00 euros.

e) Por reserva de aparcamento exclusivo na vía pública (vado permanente):

- Particulares: 24,13 euros metro lineal/ano.

- Comunidades e negocios (máis de 4 prazas de garaxe): 24,13 euros / metro lineal ano, incrementado en 6,03 euros ano por cada praza a partires de catro.

f) Por acceso a garaxes por enriba das beirarrúas: 9,00 euros metro lineal/ano.

g) Por reserva para carga e descarga na vía pública: 15,00 euros metro lineal/ano.

2. Aos efectos previstos para a aplicación das tarifas, as vías públicas deste Concello clasifícanse nunha única categoría, e a distancia se computará no punto de maior anchura ou amplitude para o aproveitamento.

3. As contías do apartado 1 son independentes unhas das outras.

4. O pago destas tarifas non exime do aboamento das indemnizacións que poideran esixir este Concello caso dun uso indebido do aproveitamento.

5. As actuacións dos apartados 1º b) e c) efectúanse unicamente polos operarios municipais, previa solicitude.

Artigo 6º.- Período impositivo e devengo da taxa.

1. O período impositivo comprende o ano natural, agas o inicio ou cese no aproveitamento que será prorroteado por semestres naturais.

2. A obriga de pago da taxa regulado nesta ordenanza nace:

- Tratándose de concesións de novos aproveitamentos da vía pública, no momento de iniciarse o aproveitamento.

- Tratándose de concesións de aproveitamentos xa autorizados e prorrogados, o día primeiro de cada ano natural.

3. O pago da taxa realizarase por ingreso directo nas arcas municipais:

- Tratándose de novos aproveitamentos, tra-la concesión dos mesmos.

- Tratándose de concesións de aproveitamentos xa realizados e prorrogados, unha vez incluídos nos padróns ou matrículas desta taxa, por anos naturais.

Artigo 7º.- Normas de xestión: Declaración e liquidación. Placas de sinalización.

1. As persoas ou entidades interesadas na concesión de aproveitamentos regulados nesta ordenanza deberán solicitar previamente a correspondente licenza, acompañando un plano detallado do aproveitamento e da súa situación dentro do Concello.

2. Finalizada a actividade municipal, de concederse ditas reservas e/ou aproveitamentos, practicarase a liquidación correspondente pola taxa, que se notificará ó suxeito pasivo para o seu ingreso directo nas arcas municipais, utilizando os medios de pagamento e os prazos que sinala o Regulamento Xeral de Recaudación.

3. Unha vez autorizada a ocupación entenderase prorrogada mentres nos se presente a declaración da baixa polo interesado, que producira efectos no semestre seguinte procedéndose ao prorrateo da cota. A non presentación da baixa determinará a obriga de continuar abonando a taxa.

4. As cantidades esixibles segundo as tarifas, liquidaranse por cada aproveitamento solicitado ou realizado.

5. Se se deran diferencias, entre o solicitado e o aproveitado, previa comprobación técnica, notificaranse as mesmas aos interesados, para previa audiencia, conceder as autorizacións corrixidas as diferencias e xiraranse, no seu caso, as liquidacións complementarias que procedan ou, de selo caso, os ingresos complementarios que procedan.

6. Nos vados permanentes o Concello, previo pago polo interesado, facilitara ó usuario unha placa ou sinal homologado unha vez concedida a licenza correspondente. A falla de sinalización ou emprego da placa impedira ao interesado o aproveitamento.

Art. 8º.- Infraccións e sancións.

No relativo á cualificación de infraccións tributarias, así como as sancións que a elas correspondan en cada caso, estarase ó disposto na Lei Xeral Tributaria.

Disposición adicional primeira.

A taxa devengada pola realización do feito imponible e aplicación das tarifas resulta independente das que se poidan esixir por outros motivos ou debidas a outras autorizacións que se precisen.

Disposición adicional segunda.

As tarifas do artigo 5 poderán ser actualizadas anualmente segundo o I.P.C.

Disposición final.

A presente ordenanza deroga a aprobada sobre a mesma materia polo Pleno en sesión de 11 de novembro de 1998 (BOP nº 299, de 31/12/98), e entrará en vigor trala súa publicación no Boletín Oficial da

Provincia e permanecerá en vigor ata a súa modificación ou derogación expresa.

Meira, a 24 de maio de 2005.- O Sr. Alcalde-Presidente, Rosendo Folgueira Valle.

R. 02474

Anuncio

De conformidade co artigo 17.3º do R.D. 2/2004, por non se presentar reclamación algunha durante o período de exposición ao público, elevase a definitivo o acordo provisional adoptado polo Pleno do Concello en sesión celebrada o día 6 de abril de 2005, relativo á nova ORDENANZA FISCAL REGULADORA DA TAXA, POLAS CONCESIÓNS DE NICHOS E TERREOS PARA PAVILLÓNOS NO CEMITERIO MUNICIPAL DO CONCELLO DE MEIRA. Procédese a publicación do texto completo de dita ordeanza, que entrará en vigor ao día seguinte da súa publicación no BOP.

ANEXO.

ORDENANZA FISCAL REGULADORA DAS TAXAS POLAS CONCESIÓNS DE NICHOS E TERREOS PARA PAVILLÓNOS NO CEMITERIO MUNICIPAL DO CONCELLO DE MEIRA.

Artigo 1. Fundamento.

En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 a 19 do Real Decreto Lexislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia, este Concello establece as taxas polas concesións de nichos e terreos no cemiterio municipal na presente ordenanza, as normas da cal atenden ó previsto nos artigos 20.4 e 58 do citado Real Decreto Lexislativo 2/2004, do 5 de marzo, polo que se aproba a texto refundido da Lei reguladora das Facendas Locais.

Artigo 2. Feito imponible.

1. O feito imponible o constitúe a concesión de nichos construídos polo Concello no cemiterio municipal e a concesión de terreos para a construción de panteóns nos terreos acoutados, incluídas as concesións en caso de urxencia, así como a autorización de cambios de titularidade.

2. O tempo de concesión e polo tanto ocupación de nichos e panteóns entenderase por 75 anos improrrogables e irreducibles, agás o disposto para as concesións de urxencia, ou ata o momento de clausura do cemiterio si esto tivese lugar antes do transcurso deste período. Dito prazo é o límite máximo establecido polo artigo 93 da Lei de Patrimonio das Administracións Públicas 33/2003.

3. Caso de obter autorización polo Concello do cambio de titularidade, sexa intervivos ou mortis causa, o tempo de ocupación sera o que reste na concesión orixinal.